

ادبیات عمومی و خبری

هفته لقی سیاسی ، ادبی و علمی غزته در :

جلد : ۱

سنه : ۱ ۹ جمادی الاولی ۱۳۳۵ جمعه ایرتسی ۳ مارت ۱۹۱۷ نومرو ۱۸

سلیمان نظیف بکک اسلوبی


بالذات نظیف بکدن طویدم : شعرای اسلافز ایکی قسمدر : طوغریدن طوغری به ایران سرآمدان نظمندن اقتباس صنعت ایدن اعظم ؛ برده بونلردن اتخال هنر ایدن ایکنجی درجهده شاعرلر . یعنی اولکیلر طوغریدن طوغری به حافظلردن ، سعدیلردن ، فردوسیلردن ، انوریلردن ، الخ ، دیکرلری ایسه طولایسیله ینه آنلردن مستفیض اولانلردن . نظیف بکک برنجیلره تابعین ، دیکرلرینه تبع تابعین دیمک ایستیور . ینه بالذات نظیف بکدن طویدم : کندی اسلوبنک رونق بوله سنده اک زیاده عجم شاعر ومنشیلرینک مطالعه آثاری بیوک بر تأثیر اجرا ایشدر .

ینه کندیلرندن طویدم : نظیف بکک اسلوبنه ، افکارینه غریبلر ایچنده اک زیاده [ویقتور اوغو] اجرای نفوذ ایشدر ؛ علاوه بر زده شونی سویله لم که علی العموم رومانیکلره سلیمان نظیفک باشی خوشدر .

[پهرلوتی] نك فرانسهده [روشفور] ده کی ویلاسنک ، بویللانک ایچنده کی صالونلرک ، مفروشاتک رسملرینی کورمش ایدم . ظن ایدرم ، بونلرک نسخه اصلیه سی رشاد فوآد بک افندیبنک نزدلرنده در : آفرانغه بر صالون ، لبالب آلاتورقه اثاث ایله ، یانلر ، دیوانلر ، شامکاری ماصه جقلر ، ناریکله لر ، لوحه لر ، تسبیحلر ، شالرله طولو . بو ، بتون بتون آفرانغه دکل ، چونکه اولانجه مفروشات و مزیناتی شرقدن کلش . بوتون بوتون آلاتورقه ده دکل ، زیرا اولانجه Confort moderne ایله مجهز : تلفونی ، آسانسوری ، آلفتریک ، آلفتریک چینغراغی ، صیجاق و صغوق آقار صوبی ، الی آخره ، هپ موجوددر .

سلیمان نظیف بکک آفرانغه به کچ انتساب و تردد ایتدیکنندن ، تلفظنده بر خصوصیت اولانلر کی ، طوغریدن طوغری به اساتید ایرانک خلقي اولدینی حالده وهله ابتدائییه ده جعلی ظن اولونه بیله جک آفرانغه لقلره مالکدر .

مجارستانده [اورشوه] نك قارشیسنده ، سلطنت سینه نك طونه اورته سنده عظمت تاریخیه سنک بریادداشتی اولان [آطه قلعه] وار . بو اوفق جزیره نك اوکندن کچلدیکی وقت ، بر طرفده ، بتون لوازم وعناصر جدید مدیه سیله بر غرب شهری ، دیکر طرفده ، آلقاق خانهلری ، متواضع میدانیقلری ، کوچک بر جامع شریفی ایله بر آسیا قصبه سی نظر حیره چارپار ، سلیمان نظیفک اسلوب بیانی عینله بونک کیدر .



بر هفته لوق تاریخ حرب



[۹ — ۱۵ شباط ۳۳۲]

قیش بوسنه آوروپاده صوك درجه شدتیه اجرای حکم ایدیور . كرك غربی آوروپاده و كرك وسطی و شرقی آوروپاده سنه لردن بری مثلی کوروله مش بر قیش وار . بوتون حرب جبهه لری دو کدیریجی قیشك بیغین بیغین قارلری آلتنده اویوشمش کی . بونکله برابر ، آوروپادولتری محاصم ایکی زمره یه تفریق ایدن و بر برینه قارشی وضعیت آلدیران مسئله او درجه بویوکدرکه بوشدید قیش آلتنده بیله هر جبهه ده ینه آز جوق بر فعالیت وار . مثلاً قیش باشلامازدن اول تحت الصفر (۱۰) درجه صوغوقده محاربه ایدیله مه یه جکی تخمین وقبول اولونیوردی . قیشك بدایتنده (بوغدان) قاریاتلرنده جریان ایدن محاربانی بو درجه صوغوق قارلی هوالر دوردیرمشدی . حالبوکه الیوم (سهرت) نهری بویندن تا (ریغا) یه قدر امتداد ایدن شرق جبهه سنده وسطی ناقص (۳۸) درجه صوغوق حکم سوردیکی خبر ویریلیور . غرب جبهه سنده ایسه ناقص ۱۰ - ۱۵ درجه صوغوقلر وارد . بو حاله رغماً ینه هیچ بر طرفه مصادمات و تعرضی کشفلر اکیک دکل . ایسته بویکی طرفك بالخاصه اوکمزده کی بهارده نه درجه معظم فدا کالقلره و غیرتله حاضر لاندقلرینی گولسترده .

آنجق ، بو استحضاراتده الیوم اثلاجیلر پک فنا بر موقعده قالمشلردر . بردن بره اعظمی درجه شدتی کوسته رهن تحت البحر محاربه سی ائتلاف ارکان حربیه سنك پلانلرینی اپی بوزمش اولسه كرك . شیمدیکی ائتلاف عسکر لکنك دیره کنی تشکیل ایدن روسیه ده مهماتسزلقدن مضطرب . آنجق اعمال داخلیه سنه و ژابونیادن کله جک مهمانه باقیور . غربدن متفقلرندن ، كرك قیش ، كرك تحت البحر آبلوقه سی سبیلله ، هیچ بر شی آلامایور . بوزلر جوزولسه ، طبعیت آرقانزهل یولنی آجسه ده متفقلریمزك تحت البحرلری آچایه جق . موثوق منابعدن تأمین ایدلیکنی آلمان غزیه لرینك یازدقلرینه کوره روسیه ، مهماتسزلق سبیلله اوکمزده کی یاز طرفنده بویوک و عمومی بر تعرض یاهه مایه جفنی متفقلرینه بیلدیرمشدر . اولسه اولسه منفرد و متفرق تعرضلر یاهه جق ایمش .

دیگر طرفدن آبلوقه فرانسه وایتالیایه ده پک سوء تأثیر ایدیور . ایتالیا بوتون کومورینی ودمیرینی خارجدن ادخاله مجبور . انکلتزهدن کله جک اولان بولوازم دکز طریقله نقل ایدیله مه یور . تحت البحر آبلوقه سی بوتون منافقاتی کسدی . آراسیرا بعض واپورلر قاچه بیلسه لرده بونلرک حوله سی هیچ مشابه سنده در . ایتالیا اسکینی کی بول بول مهمات صرف ایدیه بیله حکمی ؟ ظن ایتمه یز . حتی فرانسه نك حالی ایتالیا دن جوق اپی دکلد . فرانسه کندی مملکتشده کوموراحتیاجك آنجق ثلثی حاصل ایدیور . دیگر ایکی ثلثی انکلتزهدن کتیرتمکه مجبور . آیدی ۲ میلیون طون ایسته یور . بو کلزسه فرانسز فابریقه لری دورور . نیته کیم شیمدیدن ایتالیا و فرانسز مهمات فابریقه لر یله دیگر خصوصی فابریقه لرك تعطیل اشغاله باشلادقلرینی خبر آلیورز . بو حال ، ائتلافك بر معتاد اوکوندیکی کله جک ایلک بهار خربه سنك اوکنه بر علامت استفهام وضع ایدیور . هله آمریقادن ایکی سنه در کلت بول بول معاونتله وداع ایتمه لری لازم کلیور .

گویا ائتلاف ارکان حربیہ سی بوحالہ چارہ بولتی ایچون پادوقالہ دن فرانسیہ واورادن شمندوفرلہ ایتالیایہ مهمات ودمیر وکومور نقل ایتکہ قرار ویرمش . فقط ینہ بوکونکی خبرلرده اوکویورزکہ فرانسیز شمندوفرلرینک حالی بر باد . شمال شمندوفرلری ایکی سنہ در خارق العاده نقلیات یوزدن ہم فناحالہ خراب اولمش ، ہم تعمیر ایدلکہ امکان بولونامامش . چونکہ منافقاتک برآی ، برہفتہ حتی برکون تعطیلنہ چارہ یوق . جبہ دہ کی میلیونلر جہ انکلیزوفرانسیز عسکرلری ہرشی و ہرشی بکلہ یورہ شو حالہ ، شرائط عادیہ و طبیعیہ آلتندہ بیلہ انکلیزہ دن ایتالیایہ دمیرو کومور نقلی مشکل ایکن ، شیمدی نصل اولورده ایتالیان اوردوسنک و مملکتک بوتون احتیاجاتی شمندوفرلہ نقل ایدیلیر ؟ بو ممکن دکلدردہ صوکرہ (سارای) اوردوسی یوز بیکلر جہ موجودیلہ سلائییکدہ محصور بکلہ یور . بو اوردویہ ینہ انکلیزہ و فرانسیہ دن ایتالیایہ طریقہ ، واورادن (برندیزی) لیانی و تحت البحرلرہ قارشلی آغلرہ قاپانہ جق (اوترانت) قانالی و یونانستانک (پاتراس) و (آتنہ - یکیشہر - سلائییک) شمندوفریلہ مهمات ، لوازم و امداد کوندریلہ جک ایمش !! . برندیزی یہ قدر فرانسیز و ایتالیان شمندوفرلرینک قوہ نقلیہ سنہ بالفرض اعتماد ایتسہ کبیلہ ، یونان شمندوفرلری نہ حالہ در ؟ ہر حالہ اولمایاجق بریالان کہ فرانسیز ، انکلیز ، ایتالیان افکارینہ آوونقی ایچون قورولمش ... نہ یاپیلسہ بو اوردو فناحالہ محصور در . ہر حالہ تحت البحر آبلوقہ سی پک مؤثر اولدیغنی ، دہا برآی کچمہ دن اثبات ایتدی . ہر نہ قدر ارقام رسمیہ نشر اولونمادیسہ دہ شباط ظرفندہ لاقل یاریم میلیون طون سفینہ نک قعردریایہ ایندیکی محققدردہ اصل مسئلہ بو باتانلرک مقدار عظیمندن زیادہ ، یوزلر جہ کیلرک لیمانلردن چیقامامہ لری وسیر سفاش قومپانیہ لرینک تعطیل معاملہ ایتہ لیدردہ . بونک نتیجہ سندہ ، شیمدی یہ قدر ہر شیرینی راحت راحت خارجدن جلب ایدن ائتلاف ممالکندہ اککدن یومورطہ بہ و شرابہ ، یوگدن و دریدن دمیرو کومورہ و پترولہ قدر ہرشی ایچون دہشتلی بر قحط حکم سورہ جکدر . بودہ اومولدینی کبی حربی سرعتلہ نہایتہ ایردیرہ جکدر . نتہ کیم آلمانیایہ بحر ناظری آمیرال فون قابللہ رانیختاغ بودجہ قومہ دیسیوننہ «تحت البحر محاربہ سنک امید وانتظارک فوقندہ نتایج حصولہ کتیردیکنی و شیمدی یہ قدر دشمنک بر تحت البحر بیلہ باتیرامادیغنی» سویلہ مشدر . حتی او عنود ، او پولاد عزملی اولدینی سویلہ نن انکلیز لوئیڈ جورج بیلہ عوام قرارہ سندہ «تحت البحر حربنہ قارشلی چارہ بولونمادیغنی و ہلکہ نک پک بویوک اولدیغنی» سویلہ مشدر . دشمنلر ہنرک فریادی کیتدکجہ یوکسہ لیور . آبلوقہ نک ایکنجی آیندہ باقلم نہ لر کورہ جکز ؟

*
* *

یوقاریدہ یازدیغمز وجہلہ بوتون جبہ لردہ قیشک تأثیریلہ اوافق تفک مصادماتدن باشقہ برشی یوقسہ دہ بزم عراق جبہ سندہ بویوک بر فعالیت وارہ . ۱۲ شباط تاریخلی تبلیغ رسمیژدہ ، دجلہ جبہ سندہ (کوت) دہ و بونک شرقندہ و غربندہ بولونان ایلری مواضعی برسندہ دن بری محافظہ ایتمش اولان جسور وفداکار قطعاً تمزک شیمدی مقرر پلان موجبجہ مواصلت ایدن تقویہ قطعاً تیلہ برلشمنک اوزرہ غرب استقامتندہ کری آلیندینی بو حرکتک دشمن طرفندن حس ایلہ مہدیکی بیلدیرلدی . بوکونکی تبلیغ رسمیژدہ دہ ، دشمنک دجلہ نک شمالندہ یکی موضعہ نک برنجی خطی اوکنندہ توقف ایتدیکی خبر ویریلور . ہر حالہ انکلیزلر بر موفقیت قطعہ اجرا زایدہ بیلیمکدن . بوتون وسائطلرینہ و حاضر لفرینہ رغما اوزا قدرلر . بز مسترخ و متین آتی بی بکلہ یورز .